

Äöpeningsweurdje

Leif luuj,

Drök, drök, en nog èns drök... geer kènt 't waal. En 't waer maak 't ouch neit baeter. Mit die kou en raenge van de lètste tied, bèn ich blie dat 't kómmende vastelaovessezoen zo langk is. Misjiens höbbe veer 't vólgend jaor mit de Groote Optoch dan get wermer es aafgeloupe jaor.

Noe 't naojaor is begoosj, kump de äöpening van 't vastelaovessezoen dichter bie. De veurbereidinge zeen in volle gangk. In dees nuutsbreif kènt geer laeze wo veer op 't mement mit bezig zeen. Haopelik zeen veer os sjnel.

Väöl laesplezeier!

Mit de Kóplemente,

Joyce Gijsen,
Veurzitter

Óngerwerpe van dees nuutsbreif:

- * Nuuje websait
- * Äöpening seizoen kump d'r aan!
- * Alternatief sjöttefees: "Pirates of the Carribean"
- * Oktoberfest
- * Rubriek Modeplisse
- * Wis geer dat ...

Redakse nuutsbreif:

Anne

Nuuje websait

Vanaaf vandaag is ozze nuuje sait online!! Gaer wille veer Ermeco bedanke veur de nuuje sait. Zónger René en Ruud zoue veer noe neit zo'n sjoone nuuje sait höbbe! Oppe nuuje sait sjeit informaase euver os, de versjillende Vlemkes, de versjillende aktiviteiten, angere nuutjes, foto's en nog mee en nog mee en nog vööl mee.. Ech de muite waerd om èns te bekieke!

Boete 't nuuje uterlik van de sait, is hae vanaaf noe ouch in het Zittesj. Waat veur 't Vlemke dat de sait mót biehouwte toch veur get gries haore zörg. Wilt gaer weite wae van os noe verantwoordelik is veur de tekste oppe sait, kiek nao ozze köp en geer kènt 't zelf bedènke!

Toch wille veer uch gaer vraoge om ozze sjrieffoute door de vingesj te zeen en os dit neit kaolik te numme. Veer doon os bes! Veer zeen zelfs mit ein aantal Vlemkes begoosj mit de kursus 'Laeze en Sjrieve' gegaeve door 't Veldeke. Dus hauwt moud 't kump goud!

Veer zeen altied op zuik nao get nuuts veur op ozze sait, dus es geer get wit, heure veer dat gaer! Sjik 't nao info@devlemkes.nl en misjiens zuut geer eur eige sjtök online!

Haopelik brèngk gaer ozze sait sjnel ein bezuikske!

Door: Joyce G.

Äöpening seizoen kump d'r aan!

Geer kent allenej waal die lentekriebels die zo rónjdj de maondj april weier op kómme zètte. En dan kump de zomer, die lentekriebels maake plaatsj veur ein richtig zomergevuil. En dan kump dan toch ouch weier dae herfs en wèntjer, koud en naat. Mer dat is toch ech 't jaorgetieje wo de richtige Vastelaovesgek nao oetkik. De 11^e van de 11^e, en in Zitterd de 14^e van de 11^e. De Äöpening van ein nuut Vastelaovesseizoen. Dit jaor ech nog weier sjoonder es 't veurig jaor.

'T Program besjiteit oet fantastiese artiste: Fabrizio, Big Benny, Toddezèk, Kartoesj. D'r is ein kènjerhouk wo kènjer sjpelle kènne doen, een ballonclown rónjdj löp ein sjprèngkusse sjteit en nog mee en nog mee en nog vaöl mee. Hermenie St. Joseph kump de middig oploestere mit sjoon vastelaovesleidjes, de nuuje Marotte-cd wurt geprizzenteierd. Kènjer zènge mit hun idool en de maedjes van Swentibold Zitterd danse de sjterre van de hemel op ein nuuje vastelaovesmixon gemaak door ozze sjtadsprins Wouter I op ein sjpisjaal versie van 't eesjte muulke oet 1979.

'T Is ei gevuil van 't wiebelt, 't kriebelt, ich waazel, daazel raazel op mien bein. 'T zeen de vastelaoveskriebels.

Dans dan mit òs mit 't nuuje vastelaovesseizoen in op de 14^e van de 11^e ..!



Maedjes van basissjool De Baandert mit hun idool "Big Benny" (2009)

Door: Natalie en Anne

Oktoberfest

Nog twee waekskes aaftèlle oppe kalender en dan is 't weier zo wiet, de oktoberfeeste. Toch zo langzaam waal ein evenemènt om noa oet te kiek. Ouch dit jaor sjtaon weier groote artisten oppe planning, mit es hoogte punt natuurlik de Limburgse middig. Zo'n groot evenemènt vräög natuurlik ouch om ein gouwe veurbereiding. Dus höb ich óngertösje de Duutsje sjlager cd's van pap geleend om in de sjfeer te kómme. Ich bèn ouch mer alvas begoosj om te lere beier te drènke. Ein vaerdigheid wo ich helaas nog get ekstra instuctie veur neudig höb. Ich höb mich ouch aangemèldj bie de fanclub van Dieter Koblenz. En ich höb effekes naogevraog bie de

manager van Jan Smit of er dit jaor noe ouch *waal* geit kómme. Mer wat veur os vrouluuj natuurlik 't belangriekste is: waat doon ich aan?!?!?! Ich kèn ech neit keize:

Door: Marjolein



Alternatief sjöttefees: "Pirates of the Carribbean"

37 ste sjöttefees keizer Joep!

11 september 2010 wees de kompas richting 't Phillokaal! Dao waar dit jaor 't keizesjfees van 't alternatief sjöttefees gans in 't thema: "Pirates of the Carribbean". Piet Piraat (Bert) en ziene keizerin Esmee van "Aafslaag Zitterd" hauwe 't Phillokaal sjoon aangekleid mit doodsköp, piratevaane, palmbuim, wienvaate en zelfs ein richtige sjeepsmas. 'T Waar ein geweldig fees en jederein vuilde zich waal thoes in dit thema. Jongesj van "Aafslaag Zitterd" geer krig de komplèmente veur ein fien verzörg feeske!

D'n daag d'r op begoesj 't richtige festijn ... sjeitje veur de nuuje keizer of missjiens waal keizerin? Ein dèngk is zeker de vereeniging prizzenteire zich ummer verrassjender. Alles wurt oet de kas gehaald om de sjoonste keuning of keuningin te zeen of om 't meis kolderiek veur d'n daag te kómme. Ondanks de raeghe waar jederein in de sjtömning en woort d'r fanatiek gesjaote. Nao de opgeboewde sjpanning en gezellige sjeer waar 't tied veur de Keizerrunj. Auw prins Joep Wijnands bleek 't sjerps te sjeite – häöm neit onbekènd- en sjoot de vogel aaf! (Häöm ouch neit onbekènd ...) De sjpass bie de Auw prinse waar groot aangezeen dit de tweede keer in 37 jaor, mer ouch de tweede keer in 3 jaor is dat ze ein keizer höbbe. Veer wunsje Joep en de Auw Prinse van harte perfisiat en peune ze kómmend jaor op 't keizesjfees!

Door: Audrey

Wis geer dat ...

- Audrey heel goud is in 't doon alsof zie de sjtökke veur de nuutsbreif sjrif?
- Amy zònger 't te weite vervruig mit sjtage nao 't boetelandj aan 't gaon is?
- Lotte bènekort de sjtraote in Zitterd onveilig geit maake mit ein nuut Italiaans sjeur-iezer? (neit zo eine wie dae van Fabrizio ...)
- Dat Audrey aan 't sjoppe is veur ein broedskleid?

- De nuutsbreif vanaaf de äöpening van 't seizoen ein nuuj redakse krig?
- De vlemkes noe al naodènke euver wie ze hun racemesjien sjneller kènne maake veur de zeipkisterace?
- De meeste Vlemkes naogeneite van de zomer op 't terras?
- Ein aantal Vlemkes munte sjpaare en dees om de nek hange?
- Alle Vlemkes van sjoklaat hauwte?
- De Vlemkes aanvraoge kriege van gans jóngk maedjes om bie de vereining te kómme?

Rubriek: modeplisse



Dees maandj in de rubriek mode: *Sjef Schurgers*, oze kirmesdirecteur, krig 't de kómmende maandj drök, went de oktoberfeeste kómme d'r weier aan. Sjef is ein kreatief man dae enkele jaore geleeje de St. Rosa kirmis nuuj laeve in haet gebloaze en d'r ein spectaculair evenemènt van haet gemaak. Saer ein aantal jaor besjteit noe dan ouch 't oktoberfees. Dit is mede georganiseerd door Sjef. Sirke en kirmissen zeen zien passie en druum.



Ouch haet hae 't op 't memènt heel drök mit de Zittesje revuu "Kloostergeheime". Hie in sjepeelt 'r ein van de hoofdpersone en kump zien echte vak es regisseur regelmatig goud van pas.

Es veer nao de kleijaasj van dees man gaon kieke kènt geer uch natuurlik waal veursjtelle dat Sjef zich regelmatig in versjillende pekskes mótt sjtaeke. Mit de Revuu Kloostergeheime is hae te zeen es non! Ech waar!! Mit zien optraes mit Trööt in de Gööt is 'r zenger en bie de Schaamschotten geit 'r es Amsterdamse volkszenger door 't laeve. Aaf en toe is 'r ouch geweun Sjef...

Op dees foto zuut geer Sjef heel get jaore geleeje, wo hae 'n sjnor haet wie eine richtige sirkdirecteur. Allewiele haet Sjef gein sjnor mee en is 'r gans modern gekleid.

Mit 't drökke laeve dat Sjef haet, maage veer waal zègke dat hae noch ummer jóngk en goud oet zuut.

Eindsiefer veur Sjef: 8

Door: Nada van Nie en Patty Zomer

Door: Lotte en Amy

Óngerwerpe nuutsbreif 12

In de nuutsbreif 11 kènt geer ónger angere laeze euver:

- * Nuuje redakse
- * Rubriek Modeplisse
- * Wis geer dat ...